

AVANTURISTIČKI POHOD NA BALI

polazak 14.08.2025. / povratak 27.08.2025. / let iz Sarajeva

Bali (Indonezija) 14 dana

Dempasar- Ubud – Nusa Dua– Nusa Penida –Uluwatu – Seminyak

Avanturista si i želiš da pobjegneš od svakodnevice i uroniš u tropski raj? Sada je pravo vrijeme da se pridružiš ekipi u nezaboravnom 14-dnevnom putovanju na čarobni Bali – indonežansko ostrvo koje spaja egzotičnu prirodu, duhovnost i avanturu. Od magičnih hramova u Ubudu i terasastih rižinih polja koja oduzimaju dah, do netaknutih plaža u Uluwatu i uzbudljivih vulkanskih pejzaža Mount Batura – Bali je destinacija koja ispunjava sve tvoje putničke snove. Zajedno ćemo istražiti skrivene vodopade, posmatrati izlazak sunca iznad oblaka, učiti drevne rituale joge i meditiranja, uživati u lokalnoj kuhinji i otkriti zašto se Bali s pravom naziva „rajsko ostrvo“. Ovdje su harmonično spojeni priroda, kultura i avantura.

PLAN I PROGRAM

Plan je podijeljen u dva dijela: prvi dio (5 noći) je avanturistički i istraživanje unutrašnjih ljepota i destinacija Bali, dok drugi dio je odmor (6 noći) i relaksacija na plažama i uživanje u noćom životu Bali.

1. DAN (četvrtak) - 14.08. Sarajevo- Istanbul – Denpasar

Okupljanje na sarajevskom aerodromu u 18:30h. Polazak iz Sarajeva u 20.40h. Let preko Istanbula, dolazak u Istanbul u 23:40. (transfer vrijeme na aerodromu za presjedanje - 2 sata i 10 minuta) Polijetanje za Denpasar u 01:50.

2. DAN (petak) - 15.08. – Denpasar – Ubud -

Dolazak u Denpasar u 19:15. Transfer do Ubuda i vila. Check in u vile. Vrijeme za odmor. Upoznavanje i noćna šetnja. Noćenje.

3. DAN (subota) – 16.8. – Ubud

Doručak. **Izlet:** Istraživanje Ubuda i okolice: Alas arum, Bali swig, Monkey forest, Pauza u Tabasari cafe. Slobodno vrijeme. Noćenje.

4. DAN (nedjelja) – 17.08. – Kintamani

Doručak. Slobodno vrijeme ili **Izlet:** Istraživanje Kintamani područja, penjanje na mt Batur, aktivni vulkan, posjeta Toya Devasya geizira, posjeta plantaži kafe. Slobodno vrijeme. Povratak u smještaj. Noćenje.

5. DAN (ponedjeljak) – 18.08. – Bedgul

Doručak. Slobodno vrijeme ili **Izlet:** Istraživanje Bedgul područja, obilazak Beratan jezera i vodopada Gitgit, Wanagiri hill, Secret garden. Povratak u smještaj. Noćenje.

6. DAN (utorak) – 19.08. Karangasem

Doručak. Slobodno vrijeme ili **Izlet:** Obilazak Karangasem područja, Lempuyang temple, Water temple (Tirta Gangga), Taman Ujung, Odmor na Oma Beach club. Povratak u smještaj. Noćenje.

7. DAN (srijeda) – 20.08. Ubud – Seminyak/Kuta – OBALA BALIJA

Doručak. Checkout iz vila u Ubudu. Transfer do Seminyaka ili Kuta. Checkin u hotel. Slobodno vrijeme. Obilazak Tanak Lot hrama na zalasku sunca. Povratak u hotel. Istraživanje noćnog života. Noćenje

8. DAN (četvrtak) – 21.08. – OBALA BALIJA

Doručak. Slobodno vrijeme ili Izlet po dogovoru na Nusa Dua plažu, GWK park i odlazak na Uluwatu predstavu plesa uz vatru na zalasku sunca. Noćenje.

9. DAN (petak) – 22.08. – OBALA BALIJA

Doručak. Slobodno vrijeme ili Izlet na Nusa penida ostrvo. Slobodno vrijeme na ostrvu. Povratak u hotel. Noćenje.

10. DAN (subota) – 23.08. – OBALA BALIJA

Doručak. Slobodno vrijeme ili izlet po dogovoru: Barong danxe, Batik factory, Silver factory, Safari marine park. Noćenje.

11. DAN (nedjelja) – 24.08. – OBALA BALIJA

Doručak. Slobodno vrijeme ili odlazak na Uluwatu Beach's. Noćenje.

12. DAN (ponedjeljak) – 25.08. – OBALA BALIJA

Doručak. Slobodno vrijeme za individualne aktivnosti, shopping i boravak na plaži. Noćenje.

13. DAN (utorak) – 26.08. –Dempasar - Istanbul

Doručak. Checkout iz hotela. Slobodno vrijeme za individualne aktivnosti. Transfer do aerodroma u 18:00. Polijetanje aviona za Istanbul u 21:20.

14. DAN (srijeda) - 27.08. Istanbul - Sarajevo

Dolazak u Istanbul u jutarnjim satima. Transfer za let za Sarajevo. Dolazak u Sarajevo u 8:00.

Izleti i posjete znamenitostima su prijedlozi koje ćemo zajedno usaglasiti i dogovoriti kao grupa. Prijedlozi izleta su od partnerske agencije koja će nam ponuditi cijene, a mi ćemo zajedno donijeti odluku. Cijene izleta ćemo formirati kada napravimo finalni plan izleta u skladu sa politikom našeg poslovanja uz realne troškove.

PROMO CIJENA (za prvih 20 uplata): 3.499,00 KM

Uplata moguća na rate

1. rata: 500,00 KM do kraja juna ili popunjenja kapaciteta
2. rata: 1000,00 KM do sredine jula
3. rata: 1000,00 KM do kraja jula
4. rata: ostatak do 7. augusta

Cijena uključuje:

- Povratna karta avio prevoza iz Sarajeva - **Turkish airlines**
- Smještaj 5 noći u vilama sa doručkom u kopnenom dijelu Balijsa u **Ubudu** (dvokrevetne sobe)
- Smještaj 6 noći u hotelu sa doručkom na obali Balijsa u **Seminyak ili Kuta** (dvokrevetne sobe)
- Transfer od aerodroma do smještaja i nazad
- Transfer između smještaja
- Kabinski kofer od 8kg i check in kofer do 30kg
- Usluge pratioca grupe u toku cijelog putovanja
- Usluge agencije i PDV

*Sobe i vile imaju ili vlastiti bazen ili pristup hotelskom bazenu.

Cijena ne uključuje:

- Izlete i angažman lokalnih vodiča (fakultativno)
- Individualne troškove ulaznica u muzeje i sl.
- Individualne troškove
- PZO 30,00 KM (obavezno u grupi ili individualno na prep. osiguranu sumu od 30.000 eura)
- Fakultativno osiguranje u slučaju spriječenosti učešća na putovanju (100,00 KM)
- Viza po dolasku na aerodrom ili online viza: 35,00 dolara (potrebno da su prazne dvije stranice pasoša)
- Eventualnu doplatu za jednokrevetnu sobu

Za ovo putovanje važe opći uslovi putovanja Victorius d.o.o. agencije

SAVJETI U VEZI SA PUTOVANJEM NA BALI

- VALUTA I PLAĆANJA

Valuta na Baliju je indonežanska rupija (IDR). U odnosu na BAM, 1,00 BAM iznosi otprilike 8.700 IDR (vrijednost može varirati). Iako su kartice sve prisutnije u hotelima, restoranima i većim trgovinama, gotovina je i dalje najčešći oblik plaćanja, naročito u manjim mjestima i lokalnim tržnicama. Preporučujemo da uvijek imate nešto keša pri ruci. Cjenkanje je uobičajeno na tržnicama i kod privatnih prodavača – to je dio kulture.

- HRANA I ZDRAVLJE

Balijska kuhinja je bogata začinima, rižom, ribom, piletinom, povrćem i kokosom. Preporučuje se da probate lokalna jela kao što su nasi goreng (pržena riža), mie goreng (prženi rezanci), satay (ražnjići s kikiriki sosom). **Pijte isključivo flaširanu vodu**, a izbjegavajte led u pićima na neprovjerenim mjestima. Preporučuje se nošenje probiotika i osnovnih lijekova za želudac. Obavezno koristite kremu za sunčanje i sredstvo protiv komaraca, naročito u večernjim satima.

- KLIMA I ODJEĆA

Bali ima tropsku klimu s visokom vlagom tokom cijele godine. Postoje dvije glavne sezone: kišna sezona (novembar–mart) i sušna sezona (april–oktobar). Tokom cijele godine preporučuje se lagana, prozirna odjeća od prirodnih materijala. U hramovima i svetim mjestima obavezno je pokriti ramena i koljena – možete ponijeti maramu ili sarong. Za plaže i aktivnosti u prirodi, ne zaboravite šešir, sunčane naočale i udobnu obuću.

- SIGURNOST

Bali je relativno sigurna destinacija za turiste. Ipak, čuvajte lične stvari, posebno u većim gužvama, na plažama ili tržnicama. Ne preporučuje se nošenje velikih količina gotovine. Budite oprezni u saobraćaju, posebno ako planirate iznajmiti skuter – vožnja može biti haotična. Konzumacija droga je strogo zabranjena i strogo se kažnjava. Uvijek zaključavajte vrata smještaja i ne ostavljajte dragocjenosti bez nadzora.

- INTERNET

Internet veza je široko dostupna u urbanim područjima i turističkim centrima. Mnogi hoteli, kafići i restorani nude besplatan Wi-Fi, ali za pouzdanu konekciju tokom cijelog putovanja preporučujemo kupovinu lokalne SIM kartice ili eSIM-a sa internet paketom. Možete je kupiti na aerodromu ili u prodavnicama u većim gradovima poput Denpasara ili Ubud-a.

- PREVOZ

Na Baliju ne postoji javni prevoz kao u evropskim gradovima. Najčešći načini kretanja su:

- Skuteri (rentanje) – najpopularniji i najbrži način, ali vožnja zahtijeva iskustvo i oprez.
 - Automobili s vozačem – vrlo praktično za dnevne izlete i grupna putovanja.
 - Aplikacije kao što su Grab i Gojek – dostupne u većini naseljenih područja i povoljne.
- Taksi je dostupan, ali obavezno tražite upotrebu taksimetra ili se unaprijed dogovorite za cijenu.

- SUVENIRI I ZABAVA

Bali je poznat po ručno rađenim suvenirima kao što su drvene rezbarije, srebrni nakit, tkanine (batik i ikat), prirodni sapuni, začini i eterična ulja. Na lokalnim tržnicama možete pronaći unikatne predmete, a cjenkanje je gotovo očekivano. Za zabavu, Bali nudi raznovrsne opcije: surfanje, ronjenje, yoga retreatove, kulturne večeri s tradicionalnim plesovima, spa tretmane i noćni život u Seminyaku i Cangguu. Ne propustite ni izlet do vulkana Batur i vodopada u unutrašnjosti ostrva.

OSNOVNE FRAZE ZA BALI (INDONEŽANSKI)

IZRAZ / REČENICA	IZGOVOR I PISANJE
Zdravo	Halo
Hvala	Terima kasih
Da	Ja
Ne	Tidak
Molim (kad nešto tražimo)	Tolong
Molim (kao odgovor na „hvala“)	Sama-sama
Izvinite	Maaf
Dobro jutro	Selamat pagi
Dobar dan	Selamat siang
Dobro veče	Selamat malam
Doviđenja	Sampai jumpa
Kako si?	Apa kabar?
Dobro sam, hvala	Baik, terima kasih
Gdje je...?	Di mana...?
Koliko košta?	Berapa harganya?
Prijatno (pred obrokom)	Selamat makan
Ukusno	Enak
Idemo, hajde	Ayo
Čaj	Teh
Kafa	Kopi
OK / U redu	Tidak apa-apa
To je dovoljno / dosta	Cukup

ŠTA PONIJETI NA BALI

- Važeći pasoš (min. 6 mjeseci do isteka)
- Kopija pasoša (fizička i digitalna)
- Međunarodna vozačka dozvola (ako planiraš voziti skuter)
- Kreditna/debitna kartica (visa/mastercard)
- Gotovina u USD/EUR za zamjenu ili IDR za prva plaćanja
- Laka, prozirna i pamučna odjeća (majice, haljine, šorcevi)
- Kupaći kostim / šorc za kupanje (min. 2 komada)
- Jedna lagana odjeća za večernji izlazak
- Lagan džemper ili jakna (za planinske regije ili avione)
- Sarong ili marama (za posjete hramovima)
- Kapa/šešir za sunce - Sunčane naočale
- Japanke ili sandale
- Patike ili zatvorena obuća (za izlete, vulkan, vožnju skutera)
- Krema za sunčanje (visoki SPF)
- Sredstvo protiv komaraca (s DEET-om)
- Gel za dezinfekciju ruku
- Lijekovi koje inače koristiš (probava, glavobolja, alergije)
- Mala putna apoteka (flasteri, probiotici, aspirin, elektroliti)